

本草彙言

本草彙言卷之十九

錢塘倪朱謨純字甫選集

男洙龍冲之氏藏稿

南贛劉廷瑞連城南校正

鱗部

魚類

鯉魚味甘氣平無毒

蘇氏曰鯉魚處處有之其色紅從頭至尾其三十六鱗每鱗有黑小點為諸魚之長形既可愛又能飛昇神變

○鯉魚治水腫消脚氣散胎脹之藥也夏碧潭曰鯉鱗三

十有六其六六之數陰之極而陽生陽生故能行水消

脹安胎妊而消脚氣也其功長于利小便故別錄方又

能消黃疸利濕熱俱宜煮湯飲之李氏曰按丹溪翁言

諸魚在水無一息之停體質雖寒能滑腸胃性又能動

風發火。父食發濕中熱。諸魚皆然。不獨鯉也。

○集方治水腫水脹。用大鯉魚一尾。去鱗翅腸肚。用赤小

豆五合。水一斗。煮鯉食。飲汁頓盡。利水卽差。○又方用

大鯉一尾。去鱗翅腸肚。水五升。煮乾。加醃醋少許。蘸食。

一日一作五日愈。○治妊娠胎動不安。用大鯉一尾。去

鱗翅腸肚。煮熟。和醬油調羹湯飲之。如胎中兼患水腫

者。煮鯉飲湯。不可加鹽味。○治婦人傷胎下血。及胎動

不安。用大鯉一尾。治淨。用糯米二合。黑棗十枚。水二升。

煮熟。和葱薑醬油調和食之。○治積年骨疽有蟲者。用

飴糖敷一夜。次早以溫湯洗淨。用生鯉魚肉切薄片貼

之。以頃蟲出。取去。再如法貼之。蟲盡疔愈。

○鯉魚膽味苦氣寒無毒

主目熱赤痛青盲翳障之藥也聖濟總

錄方治目病生翳及赤脉飛血纏睛用鯉魚膽汁滴銅

鏡上陰乾竹刀刮下每點少許于目眥內

青魚味甘氣平微有毒沉也降也入足厥陰陽明經

蘇氏曰青魚生江湖間南方獨多北地時或有之色正青其頭中骨蒸熱晒乾狀如琥珀荆楚人作酒器甚佳

○青魚利濕痺散脚氣之藥也釋醫冷菴曰此魚色青應

東方木入通肝膽故開寶方治濕痺脚氣者蓋取此東

方青色入通肝膽之義而膽汁乾收點一切目亦翳障

三上卽効而頭中骨治心腹卒痛欲死以白湯磨服

白魚味甘氣平無毒

劉氏曰白魚生江湖中大者長六七尺色白形窄腹扁鱗細內有細刺頭尾俱昂而向上武王白魚入舟卽此

○白魚開胃下氣調五藏令人肥健之藥也。樓渠泉曰按
盧氏曰白者金色。金者水之母。故仲景方治水亡澤上
而消渴。水亡潤下而小便不利。開寶推廣開胃。開胃者
開發上焦。熏膚充身澤毛。若霧露之溉。令人潤身而肥
健。氣無不下。水無不去矣。

大氏曰此魚多食能使熱中發瘡。故患瘡癰人不可食
食之發膿。灸瘡不發者作膾食之良。

石首魚鮫

又名白鮫

味甘。氣平。無毒。入手足太陰經。

李氏曰石首魚生東南海中其形如白魚扁身弱骨細鱗黃色首有石二枚瑩潔如玉腹中白鱗可作膠用每歲四月初來自海洋聚羣延連數里能鳴其聲如雷海人以竹筒探水聞聲乃下網截流取之澄以淡水皆固圉無力初水來者最佳二水三水來者形漸小而味漸減矣羅氏曰諸魚日暴乾皆可為鮫其味美不及石首以白色者為佳故俗呼白鮫宜暴極燥收貯竹節中以稻草疊裹不露風者為妙若露風則變紅色失味也

○石首魚鮫健養腸胃清理積痢消化瓜菓之藥也陳五

占曰石首魚色黃成鮫色白得土金清和之化有養脾

理肺之功故開寶方治久病胃虛食減不能進厚味者

以此鮫白水煮爛食之其性不熱不寒不尅不膩能消

故滯能補新清健利腸胃為腸虛胃弱人必需用之誠

藥食中之良品也如生鮮者用葱蒜香草和鹽搗拌壓

實一時入鍋蒸熟食之。味極鮮美。為食中佳饌。不免有動風發氣。起痰助毒。有病人不宜食之。

○石首魚

味鹹。火炙性燥。

研極細。能止久年腦漏。

每晚臨睡時服一錢酒調下。

魚膠味甘。鹹。氣平。無毒。

李氏曰。魚膠即石首魚之白脰。雄者有之。中空如泡。故舊名曰鰓。可結為膠。植物甚固。此乃工匠日用之物也。

○魚膠暖子藏益精道之藥也。周士和曰。魚膠係石首魚之鰓。甘鹹而寒。乘夏令而出。得水土和平之氣。甘能養脾。鹹能歸腎。故方書用之。善種子安胎。生精補腎。治婦人臨產艱澁不下。及產後一切血崩潰亂。血暈風搖。剪碎和麥麴炒焦。研細末。白湯調服。三錢。入十全大補丸料。大補陰陽兩虛。血虛精少。

鯽魚味甘。氣溫。無毒。

韓氏曰。鯽魚所在池澤俱有之。形似小鯽。色黑而體促。其大而脊隆。惟食泥土。不食雜物。其性善竄。遇暴雨急流。此物逆流。踴躍能越池塘。大者有重至一二觔者。冬月肉厚子多。其味尤美。如江南之洞庭湖。蘄州之青林湖。皆產大鯽。長二尺。食之肥美。皆充上供。觀此則鯽為佳品。藥食選則自古尚矣。

○鯽魚合五味葱椒煮食。補虛羸。和中。下氣。潤腸胃。止熱。

痢之藥也。江春野曰。按丹溪翁言。諸魚屬火。獨鯽魚屬

土。有調胃養五藏之功。入食品中。亦稱佳味。如配合他

藥治療疾苦。奏驗又非一端也。謹選諸家集方於左。以

便臨證取用。

○集方治胃弱不食。并藏府不和。或痢疾不止。用鯽魚和

醬醋葱椒調和食之。○治卒病水腫。用大鯽魚一尾。去

腸肚。畱鱗以商陸赤小豆各二兩。填滿。札定水二升。煮
極爛。去魚陸。僅食豆飲汁。二日一作。不過三次。命○治
朱氏方小兒齁喘。用活鯽魚二個。養糞缸內。半日取出。清水養
半日。淡水煮熟食之。○治腫毒結核不散。用鯽魚一個。
以赤小豆一合。水浸。炙和鯽魚同擣爛。敷一二。即散。
○治諸瘡十年不瘥。以鯽魚連腸肚。用淤泥裹
通赤去泥。取鯽魚研細末。日日搽之。一月平復。
朱氏方中便毒。用鯽魚一個。連腸肚擣爛。再和山慈
敷之。即消。

鰾魚血味鹹甘。氣平無毒。入足厥陰。少陰經。

韓氏曰。鰾魚生南北水。岸泥窟中。李氏曰。黃廣鰾魚。冬多涎沫。似鰾魚而細。似蛇而無鱗。大者長二三尺。夏出冬蟄。一種蛇變者。名蛇鰾。有毒害人。南方鰾肆。蛇以紅時。水畜數百頭。夜以燈照之。其蛇化者。必項下有白點。通身浮水。上。即棄之。

藥雲注

時

○鰾魚血去風活血。治血燥筋癢之藥也。李仁甫曰。按李氏方。療口眼喎斜。用血半盞。研麝香二三釐。調勻。左喎塗右。右喎塗左。正。即用熱湯洗去。風中血脉。則口眼喎斜。用血治之。從其類也。

鰕味甘鮮。氣溫。有小毒。

李氏曰。鰕出江湖者。大而色白。出溪池者。小而色青。鬚直爪長。背有斷節。尾有硬鱗。多足而好躍。其腸近隔。其子在腹外。有米鰕。綠鰕。以精粗名也。青鰕。白鰕。以色名也。海鰕。以梅雨時名也。泥鰕。海鰕。以出產名也。嶺南有義。大如蟻。秋後羣聚水中。化為鰕。名曰天鰕。凡鰕之大者。蒸壓去殼。謂之鰕米。以薑醋拌食。極鮮。

○鰕肉生搗汁。和白湯飲。宣吐風痰。煮湯食之。托痘瘡下

乳汁。乘活搗膏。塗癰疽。將潰速出膿頭。

烏賊魚骨名海螺味鹹氣溫無毒

別錄曰烏賊魚生東海池澤今近海州郡皆有之蘇氏曰形若革囊口在腹下八足聚于口旁無鱗有鬚兩根如帶黑皮白肉背上有骨厚三四分狀如舟形輕虛而白重重有紋腹中血及膽黑如墨可書字但逾年則滅跡惟存空紙爾南越志云其性嗜烏魚每自浮水上飛鳥見之似死物而噪之乃卷烏入水而食之故各烏賊能吸波溪墨水令水洞黑自衛以防人害爾雅翼云九月寒烏入水化為此魚故又名烏鰂不知果否雷氏曰凡使勿用此魚骨其形真似但以文順者是真橫者非也水煮一伏時用外有一種柔魚骨與烏賊相似但無滑爾越人食饌多用之

○烏賊魚骨散血瘀通血閉止赤白漏下之藥也張少懷

曰此藥味鹹走血色黑歸腎體輕屬肺氣臊入肝實為厥陰之劑故李氏方主血瘀血閉赤白帶下乃厥陰本病也寒熱瘧疾陰中痛疝瘕痛乃厥陰經病也目熱流

淚。翳障攀睛。乃厥陰竅病也。厥陰屬肝。肝藏血。故諸血病皆宜用之。又吳瑞方。治老人痰閉哮喘。呼吸不寧。婦人房事違理。水戶腫痛。小兒重舌蛾口。及牙疳走馬。或痘瘡濕爛不收。如痰與氣傷之病。風濕膿血之病。亦宜用之。經驗方。言烏賊魚骨。專主血閉。然血閉。有有餘不足二證。有餘者血滯。不足者肝傷。此藥所主血閉。肝傷不足之病也。正與素問相合。入藥宜煮去鹹味用。

○集方。烏賊魚骨。研極細末。治已上諸病。入服食方。每用二錢。白湯調服。如重舌蛾口。牙疳口臭。痘瘡濕爛諸證。俱宜作末。摻搽。惟宜單行。不配他藥更妙。

○腹中蠱。味甘酸。治血刺心胃。作痛。醋磨服之。

鰻鱺魚味甘氣平有毒

李氏曰鰻鱺魚隨處有之其狀如蛇背有肉鬣色青黃其身連尾無鱗有舌腹白大者長數尺脂膏最多背有黃脉者名黃絲鰻鱺此魚善穿深穴如蚊蜃之屬善攻江岸嘗與水蛇同穴人酷畏之孟氏曰歙州溪潭中出一種背有五色文者頭似鰻蛇入藥最勝江河中難得五色文者倘腹下有黑斑背上白點者毒甚不可食

○鰻鱺魚消疳治療殺諸蟲止傳尸勞疰之藥也方益明曰此物其形類蛇無鱗有舌常與水蛇同穴其性有毒可知矣別錄言性本殺諸蟲故日華方用治傳尸蟲勞骨蒸夜熱往往推驗又如癰瘍瘰癧及風濕脚氣痺痛人常食之漸漸獲効性雖有毒以五味葱薑椒韭烹製得宜食之又能補腎藏壯虛羸謂其味甘而性稟水土之陰氣故也

本草發明云鰻鱺所主諸病其功專在殺蟲去風耳金
山有人病瘰相傳死者數人延及女子家人棄于江濱
漁人引歸安置漁舍中日以鰻鱺魚食之其病遂愈又
取骨燒烟薰蚊令化爲水熏墮髮及屋舍竹木斷蛀蟲
置骨于衣箱斷諸蟲觀此則別錄謂殺諸蟲之說益可
證矣

倪朱謨曰鰻鱺魚昔名蛇魚其形似蛇頭似蝮身與尾
連無鱗有舌穿土穴居又與水蛇共處其屬蛇類而非
魚類也因本草原附鱗部魚類中朱不敢外此另立他
部又因功能殺蟲治勞瘵故不敢棄今附魚類之末以
俟後之好生者採擇焉

介部 甲蟲類

龜版味鹹甘氣平無毒氣味俱陰入足少陰經。

別錄曰龜甲生南海池澤及江湖中。韓氏曰今取江州
湖州交州者骨白肉厚其色分明供卜入藥最良。論衡
云春啓冬熱食丁清而遊于濁龜也。爾雅翼云甲蟲三
百六十龜爲之長廣雅云神龜者玄文五色神靈之精
也說苑云靈龜千二百歲文五色似金似玉背陽向陰
上隆象天下平象地。梁衍象山四足轉運應四時文著
象二十八宿蛇頭龍翅左睛象日右睛象月博議云廣
肩巨腰內肉外骨離雄尾交卯生而思抱轉旋任脉呼
吸以耳周人云凡取龜用秋時攻龜用春時類考云蔡
國君之守龜蔡氏因以爲名長尺有二寸三正記云天
子龜長一尺二寸諸侯一尺大夫八寸士六寸龜陰故
數偶也陰之老也以火灼之何。以陽動陰也。龜書云春
占後右寅卯木兆也。夏占前右巳午火兆也。秋占前左
申酉金兆也。冬占後左亥子水兆也。或云龜附鐵聲則
伏萊油抹眼則入水不沉。老桑煮之則易爛。蘇氏曰頭
方脚短殼圓版白者陽龜也頭尖脚長殼長版黃者陰
龜也。陰人用陽陽人用陰。又云龜甲勿令中濕。阿氏言
取可仕卜殺可入藥古者上下用皆通川日華集用其

版。後世遂主之矣。李氏曰。按陶氏用生龜炙取。日華用灼通者。皆以其有生氣神靈也。口敗者。謂鑽灼陳久如敗也。吳氏以自死枯敗之殼取版用。反謂灼者失性。謬甚矣。雷氏曰。修治取版。錫去四邊。石上磨淨。或酥炙酒炙。醋炙。猪脂炙。以黃色為度。如得神龜。當版心透明如琥珀色者。最佳。凡入丸散。須炙透。研極細用。不然。渣滓留滯腸胃。能致癥瘕腹痛。腸燥內漬諸疾。入煎劑無妨。

○龜版補腎滋陰之藥也。程君安曰。龜性神靈。體靜息伏。能變化吉凶。延年多壽。故古方於陰虛有火之證。專主之。如別錄方治虛勞骨蒸發熱惡寒。或瘵瘧久纏。陰氣衰乏。或淋帶赤白。漏下不收。或痢疾雷連。滯痛不止。皆陰虛而邪熱為病者。用龜版外剛內柔之具。借其氣以相通。且得水火既濟之義。而陰虛瘵痢淋帶諸病自少矣。

方治虛勞骨蒸發熱惡寒用龜版童便浸炙配沙參
知母地骨皮牡丹皮銀柴胡懷熟地白芍藥○治瘰癧
久纏陰氣衰乏熱多寒少用龜版醋浸炙配白朮半夏
牛膝當歸何首烏枸杞子○治血淋白帶滲漏不止用
龜版酒浸炙配當歸川芎白朮茯苓續斷杜仲牡丹皮
○治痢疾留連不止下後而積滯轉生疼痛轉加延久
不愈者用龜版醋浸炙配川黃連吳茱萸白芍藥木香
甘草炙實陳皮當歸已上集程松谷家乘

○龜膠滋陰助水之藥也程君安曰龜稟金水之氣而生
得陰土之氣而養感北方玄武之精而成乃陰中至陰
之物也大有補陰補血之功如古方主陰虛不足而發

熱口乾。或咳咯血痰。而骨蒸勞熱。或腰膝痿弱。而筋骨
痠疼。或寒熱久發。而瘧疾不已。或婦人崩帶淋漏。而赤
白頻來。凡一切陰虛血虛之證。並皆治之。又按李氏方
云。龜鹿皆靈。而有壽龜首。嘗藏向腹。能通任脉。故取其
版煎膠。以補心。補腎。補血。用以養陰也。鹿鼻。嘗反向尾
能通督脉。故取其角煎膠。以補命。補精。補氣。用以養陽
也。觀龜甲所主諸病。皆屬陰虛血弱。成勞之證。自可心
解矣。

○集方治已上諸虛不足之證。如陰虛不足。發熱口乾。或
咳咯血痰。骨蒸勞熱。或腰脊痿弱。筋骨痠疼等證。用龜
膠四兩。切碎。麥麩一兩。拌炒。北沙參。麥門冬。懷熟地。銀

柴胡地骨皮牛膝木瓜薏苡仁知母貝母桑皮各二兩
分作二十帖煎服。○治寒熱久發瘧疾不止用龜膠一
兩肉桂五錢於白朮土拌炒二兩分作五帖服。○治婦
人淋帶赤白不止用龜膠三錢酒溶化每日清晨調服
○如病人陰虛者用龜膠陽虛者用鹿膠陰陽兩虛者
龜鹿二膠合用每蚤各用二錢切碎酒溶化服不飲酒
者白湯調服。

治產後癰疾主方。用龜板鼈甲俱用酒炙各五錢。當歸、柴胡、茯苓、陳皮、生薑皮、炮薑各二錢。白朮、白芍藥各三錢。牛膝一兩。水二碗煎八分。五更服。如口渴加麥門冬、竹葉各五錢。渴甚加知母、天花粉各三錢。痰多加川貝母製半夏各二錢五分。元虛氣弱加人參五錢。或至一兩。肺熱去人參加沙參、桑皮各二錢。汗多加黃耆二錢。北五味八分。寒甚加桂枝、乾薑各一錢。熱甚加青蒿四錢。惡露未盡加桂枝、桃仁、玄胡索各一錢五分。○治三陰瘡三日一發者。用龜板鼈甲俱酒炙各五錢。白朮二兩。肉桂三錢。當歸二錢。附子童便製一錢。烏梅三個。水二碗煎一碗。五更溫和服。渣再煎天明服。

璚瑁甲味甘氣寒無毒入手少陰足厥陰經

陳氏曰璚瑁生嶺南海畔山水間今海洋深處多有之李氏曰其首嘴如鸚鵡其身似龜鼈而殼稍長背有甲十數片黑白紅綠斑文相錯而成明亮可愛其羣邊有花缺如鋸齒無足而有四鬣前長後短皆有細鱗斑文海人養以鹽水飼以小魚大者如盤小者如碗碟大者難得小者常有之但老者甲厚而色明小者甲薄而色暗取時必倒懸用滾醋潑之則甲逐片應手自落入藥須用生剝者乃靈若經湯煮力即減少與犀角義同雖雄不交相望而卵其功解熱化毒甚靈毒物之所蟄族者故名

○璚瑁解嶺南百蠱百藥諸毒安神定驚解熱化痰之藥

陳士良

也。翟秉元曰璚瑁龜類也得水中至陰之氣寒而無毒

善解一切百蠱百藥熱毒及傷寒熱煩狂言小兒驚風

客忤胎毒痘毒乾枯火疔諸證其功力與犀角相等

繆仲淳先生曰此物其性最靈凡遇飲食有蠱毒者必

自搖動須用生者乃靈死者則不能矣嶺南人善以諸毒藥造成蠱人中之則昏憤悶亂九竅流血而死惟用活璚瑁刺其血飲或用生甲磨濃汁服之可解其性稟純陰氣味至寒如諸病虛寒無火毒者勿用

○集方

解一切蠱毒

方氏方

用生璚瑁磨濃汁服一盞卽消○預

解痘毒遇時行痘疹服此未發者內消已發者稀少用

生璚瑁

生犀角

合磨濃汁一盞和勻作三四次溫和服

○治痘疹

黑陷乃心熱血凝也

方同上加入猪心血紫

草汁各五匙溫服

鼈甲味鹹氣平無毒沉也降也入足厥陰少陰經。

別錄曰鼈甲生池澤今處處有之以岳州沅江者甲有九肋者勝李氏曰鼈甲蟲也水居陸生宮脊連脇與龜同類四緣有肉如裙故曰鼈甲裹肉鼈甲裹骨無耳以目爲聽純雌無雄以蛇及鼈爲匹夏月孕乳其抱以影陸氏曰魚滿三百六十則蛟龍引之而飛納鼈守之則免故一名守神性畏蚊過蚊叮即死又熏蚊者復用鼈甲燒烟蚊即遁跡物理相報復如此修治以滾湯泡洗去油垢蟲蟻淨用醋炙酒炙童便浸炙隨病置宜可也

○鼈甲除陰虛熱瘧解勞熱骨蒸之藥也魏景山曰鼈甲

蟲也與龜同類而異種亦稟至陰之性色青入肝統主

厥陰血分爲病如農皇之治心腹癥瘕堅積寒熱別錄

之治老癯瘠母寒熱痞積甄權之治骨蒸勞瘦骨節煩

熱黃芩湖之治婦人血閉淋瀝經脉不通或五色漏下或

產難不順產後寒熱癥瘕惡血諸證悉屬厥陰血閉邪

結漸至寒熱。爲癰瘰。爲痞脹。爲瘧疾。爲淋瀝。爲骨蒸者。咸得主之。倘陽虛胃弱。食飲不消。嘔惡泄瀉者。陰虛胃弱。吞嚥不下。欬逆短氣。升降不足。息者。用此無益也。

○集方治心腹癰瘰血積。用鼈甲甄氏家來一兩。湯泡洗淨。米醋浸

一宿。火上炙乾。再淬再炙。以甲酥爲度。琥珀三錢。俱研

極細末。大黃五錢。酒拌炒。共研細作散。每早服二錢。白

湯調下。○治老瘧瘧母。將成瘧勞。用鼈甲附後方二兩。醋淬火

炙。同前白朮一兩。土拌炒。明雄黃五錢。共研極細末。每

早晚各服二錢。白湯調下。○治骨蒸夜熱勞瘦骨節煩

熱。或咳嗽有血者。用鼈甲一觔。滾湯泡洗。去油脂滑。北

沙參四兩。懷熟地。麥門冬。天門冬。各六兩。白茯苓三兩。

陳廣皮一兩。水五十碗。煎十碗。渣再煎。濾出清汁。微火熬膏。煉蜜四兩收。每蚤晚各服數匙。白湯調下。○治婦人血閉不通。或淋瀝不淨。或臨產艱難不順。或產後惡血不行。留結成癥。瘕痞積漸發寒熱。幾成勞者。臨產須豫服此。可免產後一切血患。用鼈甲一觔。製法同前。乳香沒藥各二兩。俱用瓦上焙出汗。白朮當歸川芎白芍藥乾薑肉桂川黃連牡丹皮玄胡索木香甘草各一兩。俱用酒拌晒乾。微炒共十四味。俱研極細末。煉蜜九彈子大。重三錢。妊娠九月隨宜服之。臨產產後俱可服。俱用白湯調下。

○續補集方治卒得腰痛不可俛仰。用鼈甲三兩。製法同

前研末。早晚各服二錢。白湯調下。○治婦人五色淋帶。

用鼈甲二兩。製法同前。每早服二錢。白湯調下。○治一

切癰疽。或腸癰內毒。用鼈甲一觔。製法同前。研細末。而

重羅篩過。再研極細。瘡口日搽少許。但不可多。內服二

錢。白湯調。毒在上。食後服。在下。食前服。

治脇痛和肝飲。加減方。用鼈甲。柴胡。當歸。川芎。半夏。白

芍藥。枳殼。各二錢。水煎服。○左脇痛者。怒傷血滯也。加

痰也。加桔梗。白芥子。左右脇俱痛者。肝火盛而痰氣結

也。加龍膽草。香附。貝母。白芥子。兩脇走注痛。而有聲者。

是痰飲也。加蒼朮。白芥子。膽星。瓜蒌仁。痛延日久。作塊

不接者。是死血留痰也。咳嗽氣急。而失治。必成脇癰。外

有肝氣極虛。真陰損乏。成脇痛者。宜十全大補湯。加鱉

甲。牛膝。

牡蠣味鹹氣寒無毒氣薄味厚陰也降也人足少陰經陰

少陽經

別錄曰牡蠣生東海池澤及南海閩廣間今永嘉海旁皆有之蘇氏曰初生時假水沫傍石砂向日色漸結成形純雄無雌故得牡名大如拳而四面漸長至數尺環相連如房房中有肉大者如馬蹄小者如人指名曰蠣黃每潮來房開潮去房闔闔時吸小蟲以充腹海人取者皆以烈火逼之熬房挑取其肉食之味美以房層疊可以砌墻燒灰水和可以粉壁雷氏曰一種形圓如龜殼大小皆夾砂石男子服之令無髮也溫氏曰修治以童便浸七日取出米醋浸一日以鹽泥固濟火煨紅研極細用

○牡蠣澁精氣止崩帶之藥也顧汝琳曰此得海水浮沫附石結成乃濕生也本以水凝為質應潮開闔體類堅金生則味鹹鹹能軟堅別錄所以化積去痞消癥散癰癰也煨則味澁澁能止泄農皇所以止婦人赤白帶下

孟詵所以止男子遺精夢泄也。大抵此海水所化之物。實無情而致有情也。遺精淋帶。感無情之氣。致損有形之質也。如失精與失血者。投此旋定。但味鹹氣寒。凡病虛而有熱者。宜用。虛而有寒者。忌之。腎虛無火。精寒自出者。亦非宜矣。

本草發明云。和杜仲服。可止盜汗。和黃耆服。可止自汗。和乾薑服。可止陰汗。和麻黃根服。可止頭汗。柴胡引之。能去脇下痞硬。茗茶引之。能消項上結核。大黃引之。能去股間腫痛。歸朮白薇引之。能止血淋白帶。又通淋止渴。車前瞿麥為使。可也。滋陽去濕。防風白芷為佐。可也。

○集方治久年痞積及癥瘕堅塊。用牡蠣八兩。生搗極細。重羅篩過。配乾薑十兩。於白朮一觔。俱用酒拌炒。共研極細末。飴糖為丸。梧子大。每食前早晚各服二錢。好酒

吞下。○治癰癤^{和世方}癰核不拘已破未破用牡蠣四兩甘草

一兩研極細每早飯後用一錢茶湯調服。○治婦人赤^{方蘇玉}

白帶下男子遺精夢泄用牡蠣龍骨各二兩俱火煨通

紅研極細末配芡實白朮各五兩俱酒拌炒研細末總

和勻飴糖爲丸梧子大每早飯前用二錢米湯吞下。

治心虛自汗盜汗經月不止用牡蠣火煨五錢麥門冬
黃耆白朮石斛各三錢半夏陳皮各二錢甘草北五味
各一錢水二碗煎八分侵晨一服臨睡一服半月即愈
○治痢疾窘急脹痛用牡蠣生搗一兩大黃酒煮五錢
枳殼麩炒一兩三味共爲極細末紅麴打糊爲丸如黍
米每服一錢白湯下三四服即止按牡蠣火煨即澁而
止積生搗即行而消積不可不知○治陽虛自汗用牡
蠣火煨五錢人參三錢麥門冬五錢北五味二錢煎湯
飲立止外用牡蠣火煨數兩搗細粉布包撲身上亦
可收汗

殼粉味鹹氣寒無毒沉也降也入手太陰足陽明經。

李氏曰蚌類繁多今處處江湖間有之惟洞庭漢沔獨多與蛤同類而異形長者通曰蚌圓者通曰蛤故蚌從耳如蚌合皆象形也後世蛤蚌渾稱者非蚌大者長七寸如牡蠣小者長三四寸狀如石決明其肉可食老者內有貝珠其殼可爲粉湖澤人水和印成錠于市貨謂之蚌粉用以飾牆壁開墓城其堅固

○蚌殼粉化痰積定咳嗽解濕熱止白濁白帶之藥也釋

醫臨水曰蚌水產也殼研爲粉其體沉墜其性寒潤而

滑治病之要只在行濕清熱化痰而已如宋醫李防禦

治濕痰咳嗽肺氣壅閉面浮喘腫者而日華子治膀胱

濕熱不清爲淋爲癰爲濁爲帶或小兒脾熱疳積爲痢

爲脹諸證膀胱爲水府此藥味鹹水化氣類因從故兼

用之但性惟寒降諸病屬脾肺虛寒而無火者須禁用

之

○集方治濕痰發嗽終夕不寐喘促而浮腫如盤用蚌殼

粉研極細一兩真青黛三錢共研勻每蚤晚各食前服

一錢五分白湯調服○治男婦小便淋瀝痛澁或白濁

白帶用蚌殼粉研極細一兩車前子六錢炒黃同研細

每早晚各食前服二錢燈心湯調下

○續補方治痰涎積聚結于胸膈心腹作疼日夜不止或

乾嘔噦食者用蚌殼細粉一兩巴豆仁十粒同炒豆焦

黑去豆不用以紅麴六錢作末醋打糊丸梧子大每服

三十丸薑酒下○治湯泡火燒疼痛用蚌殼細粉不拘

多少用香油調塗患上不痛不疾而愈

眞珠味鹹氣寒無毒可升可降入手少陰足厥陰經

沈氏曰珠出海上池澤按嶺表錄異云廉州北海生珠母乃老蚌也海旁有洲島上有大珠池每歲刺史親監珠戶入池採老蚌取珠以充貢池雖在海上而池水味淡亦一異也即採小蚌肉作脯食亦得細珠如米則此池之蚌大小皆有珠也其他海旁亦有珠蚌人取珠不甚光瑩皆不及南海北海中珠多而且奇但清水急流處其色光白若濁水及緩流處其色多暗也又按廉州志云合浦縣海中有核青嬰三池池水亦不甚鹹蜃人每以長繩繫腰攜筐節入水取蚌母得一二枚即振繩令舟人急掣繩起設有一條血色浮水上則人獲魚腹矣又按格古論云南珠色微紅西洋珠色純白北海珠色微青各隨方色也南番珠色白圓羅爲上廣西者次之北海珠色微青者爲上粉白油黃者下也西番馬價珠色青如翠爲上其老色夾石粉青油潤者下也又龍珠在頰蛇珠在目魚珠在眼鮫珠在皮鼈珠在足龍珠在肋蚌珠在腹也凡蚌開雷則瘦其生珠如懷孕故謂之珠胎中秋無月則蚌無胎矣如入藥用以新珠未經鑽綴者以人乳浸三日再入豆腐腹中煮一生香和殿心草研如粉以二萬礪方細堪入服食如婦人作首飾過者或在死尸中者皆不可入藥

○真珠鎮心定志。安魂養魄。解結毒。化惡瘡。收內潰。破爛之藥也。黃正賜曰。珠生于蚌。而得中秋明月映之。乃孕得中天太陰之精。水土至陰之清氣也。故寇氏方用此治驚悸怔忡。癲狂恍惚。神志不寧。魂魄散亂。及小兒血氣未定。精神不足。嘗多驚恐。以此神光寶足之物。而驚亂可鎮。神明自安矣。甄氏方用此治一切諸毒疽瘡。穿筋潰絡。爛肌損骨。破通關節。膿血淋漓。潰久不收之證。以此清明瑩潔之物。而惡毒自解。潰膿自收。肌肉自長矣。又若目生翳障。研末點之。卽消。鹽仁反背。研漿點之。卽正。以此日受水精月華之氣。含光內媚之物。而目可明矣。但體質堅硬。入藥須裹豆腐煮熟。拌燈草研如飛。

方堪服食敷點。倘研製不細。用之能傷人藏府。攻吸
牛肉為害匪輕。

○巢方治大人驚悸怔忡。癲狂恍惚。神志不寧。魂魄散亂。

小兒血氣未定。遇觸即驚。或急慢驚風。癰瘡。搐搦等

證。用真珠一錢。以豆腐裹煮一時許。梓燈草同研如飛

麴。極細末。配丹砂。琥珀。犀角。瑤琨。天竺黃。各五錢。以鐵

礬研極細末。再加茯苓。鈎藤。半夏。麴各一兩。甘草。人參

各六錢。同炒黃。研極細末。三末總和勻。煉蜜丸。龍眼核

大每服一丸。生薑湯化下。○治一切諸毒疽瘡。穿筋潰

絡。爛肌損骨。破通關節。膿血淋漓。潰久不收之證。方名

油蠟膏。用真珠一錢。製法同前。研極細末。頭生兒胞衣

一具以銀簪穿孔數十。清水滌洗惡血淨。火烘乾燥。不可焦。研極細末。如不細。再烘再研。務宜細如飛麤者佳。如內有筋皮堅紐。研不細者。去之。白蠟一兩。豬脂油一兩。火上共熔化和入胞衣末。并真珠末。調勻。磁器收貯。遇是患。以猪蹄湯淋洗。毒瘡淨。將蠟油藥。以軟棉子脚調春名。挑取輕輕敷上。再以鉛粉麻油膏藥貼之。○治目生翳障。用真珠三分。製法同前。研極細末。爐甘石。白礬砂。各一錢。人手指甲五分。三味共研極細。和入真珠末內。小瓷瓶封貯。每日點。洒許于兩背內。閉眼半時許。點三四次。翳障自退。○治痘瘡有疔。或紫黑而大。或黑爛而臭。或中有紫血線。此證十死八九。用真珠一錢。製法同前。

研極細末。豌豆四十九粒。燒存性。頭髮灰三分。再取好
汕。臙脂二錢。同搗成膏。先以銀簪挑破疔毒。嘔去惡血。
以少許點之。卽時變紅。活色真奇方也。

治痘後翻癍。不拘上下部分。腫爛淋漓者。俱効。用真珠
末。象牙末。孩兒茶各三錢。白僵蠶二錢。總和爲極細末。
以淨寧胭脂調敷。毒水如注。漸漸收口。○治下疳。蛙梗
用珍珠生研細。象牙末。牛黃冰片各一錢。牙皂二錢。滴
乳石一兩。研極細。如飛麩。共再研。每服一分。土茯苓湯
調下。廣筆記

石決明。味鹹。氣平。無毒。沉也。降也。入足厥陰肝經。

陶氏曰。石決明是鮫魚甲。附石生。狀如蛤。惟一片無對。七孔者良。今嶺南州郡及登萊州海邊皆有之。李氏曰。形長如小蚌而扁。外皮甚粗。有細孔如粟泡。內有光耀如銅之青紅綠色。背側一行有孔如鑽成者。生于石崖之上。海人泗水。乘其不意。即易得之。否則緊粘難脫也。陶言是鮫魚甲。與石決明一種二類。功用兩相通用。

○石決明去目翳赤障之藥也。葛小溪曰。此藥氣味鹹寒。得水石清陰之氣而生。凝着石上。單片無偶合。又得一陽清貞之化。故別錄日華李珣三家皆言專療肝肺風熱。治目疾。磨翳障。內服外點。無不相宜。須研極細。水飛過方可入藥用。

○集方治風熱傷血成翳障青盲。川石決明火燒通赤。研極細。水飛過三錢。羚羊角人指甲切碎。微炒。各二錢。甘

菊花、生地黃、木賊草、穀精草、蟬蛻、密蒙花、決明子、俱微炒，各一兩，研爲細末，共十味，總和勻，用生羊肝七個，搗爛成膏，李時珍和爲丸。梧子大，每早、晚食後各服三錢，白湯下。

○治目生翳障，用石決明、火燒通赤，研細，水飛過，晒乾，再碾干，匣磁瓶收貯，點兩目眚。

○治鎖喉風，用石決明、火燒醋淬三次，研細末，用米醋調鵝羽蘸搽喉內，卽吐痰立愈。汪有通傳

海蛤味苦鹹氣寒無毒沉也降也入手足太陽陽明經。

李氏曰海蛤生登萊滄州海步瀛處皆有大有如碁子小者如麻粒其色黃白或帶赤色乃諸蛤之殼爲海水磨薄日久元瑩明潔其類至多巨細不能分別故通謂之海蛤

蟬紙曰以礬水煮一伏時研細成粉水飛過川

○海蛤粉化痰飲下逆氣定喘腫消胸脇滿張之藥也馬繼高曰此屬海水沙沫結而成形又隨海水奔聚沙磧日暴而肉消僅存空殼也其體堅潔日隨湍水奔蕩不已故本草專主積痰留飲停滯經絡藏府胸臆之間遏逆氣道不行而爲腫爲喘爲脹滿爲大小不通假此堅潔潤下汨蕩通流之物而治閉逆不通之證則熱可清痰可化濕可利矣病因熱邪痰結氣閉者宜之若氣虛有寒中陽不運而爲此證者切勿輕授。

○集方治痰飲停滯中焦

聖海鏡

逆氣不下喘促成腫以致胸脇

滿脹甚則大小不通坐臥不寧等證用海蛤粉漢防已

葶藶子各七錢赤茯苓桑白皮各一兩陳廣皮郁李仁

各六錢共爲末紅麴薑汁打糊丸梧子大每早晚各服

二錢米湯下○治血痢因內熱者附信方用海蛤粉早晚各用

二錢蜜湯調服○治傷寒血結胸脹痛手不可近水脈活書用海

蛤粉滑石各七錢甘草三錢芒硝五錢共爲末每服三

錢白湯調服蓋膈中血聚則小腸壅小腸壅則血愈不

行服此則小腸通血脈流行而胸膈利矣

文蛤味鹹氣平無毒

韓氏曰文蛤生登萊州海濱處大者二寸小者五七分形如海蛤有斑文修長如蛇頭者一臂長熱毒則用

○文蛤粉止欬逆消胸痺化痰軟堅之藥也吳養元曰按成無已云文蛤之鹹走腎以勝水氣凡病水濕痰飲膠結不化致成中官否隔升降失調滯于氣而為欬逆滯於血而為胸痺者以此鹹寒潤下軟堅之物如氣之逆而不下痺而不通者可迎刃而解矣又如仲景書論傷寒病在陽當以汗解反以冷水啖之或灌之其熱被却不得出彌更益煩皮上粟起意欲飲水反不渴者以文蛤散主之此藥生聚海湍急流揭研成散用沸湯調服數錢能分利水濕之邪壅遏陽道昔仲景用之為因寒

鬱熱假此分利表開水氣故耳。則知此爲清熱消飲之
輕劑。凡必于欲飲水反不渴者用之。則知能洩偶鬱之
熱而不能勝實結之熱矣。

○集方治痰飲膠結不化爲欬逆爲胸痺者。以文蛤一兩

方脈正宗

燒存性研極細末配薑製半夏膽星厚朴廣陳皮白芥
子於白朮枳實各一兩俱同麩皮拌炒研爲末每早晚
各服一錢食後白湯調服。

蛤蜊粉味鹹氣寒無毒沉也降也入足少陰血分。

汪氏曰蛤蜊生東南海中白殼紫唇大二三寸。謂所人以其肉充海錯亦可作醬醃此蛤蜊粉係海中諸蛤之粉以別江湖中之蛤蜊粉也。大抵海中蚌蛤蜊蠣之類性味鹹寒不甚相遠功能大同小異專化痰而軟堅也。若江湖蚌蛤粉無鹹水浸漬專能清熱利濕而已。脩治火煨作粉用。

○蛤蜊粉主熱痰濕痰老痰頑痰之藥也。蔡心吾曰此藥生成游濱味鹹氣寒體燥性潤。按丹溪翁言此藥治頑痰能降能消能更能燥寒制火而鹹潤下故能降焉寒散熱而鹹走血故能消焉。堅者更之以鹹取其屬水而性潤也。濕者燥之以滲取其經火煨而消水腫利小便也。如陰虛火勝肺燥葉傷而成欬嗽痰涎者勿用。

○集方治一切頑痰老痰如綿絮如梅核如桃膠如蜆肉

形者其爲病狀爲咳嘔爲痞塞爲脹滿爲疼痛用海上
蛤蜊火燒赤研極細粉每早用指頭蘸數分擦牙用白
湯汨口隨嚥下如此用半月全愈能日日用之終身無
痰患能延壽○治遺精白濁古方用海上蛤蜊一觔火燒赤
研極細粉川黃柏十兩鹽水炒研細末和勻用米糊丸
梧子大每早服三錢空心溫酒送下○治氣虛水腫普濟方垂
危者用海上蛤蜊三兩火燒赤研極細粉用大蒜同火
煨熟去衣淨搗爛爲丸如梧子大每早晚各食前服百
九白湯下

車螯殼味甘鹹氣寒無毒沉而降陰中陰也入足三陰經血分。

李氏曰車螯其殼色紫瑣桑知玉斑點如花海人以火炙之則殼開取肉食之似蛤蜊而堅硬羅氏曰其殼可飾器物燒灰可封墻壁羅細粉可飾面蘇氏曰南海北海皆有之陳氏中車螯是海中大蛤即蜃類也殼廣數尺有徑丈者亦或生珠亦能吐氣為樓臺春夏依約島嶼常有此景。

○車螯殼解癰毒化酒積之藥也蔡心吾曰按日華方治癰腫毒用此燒赤米醋淬二次研極細粉米醋調敷可止痛滅毒又治酒積癰塊以車螯粉每早用二錢白湯調服。

淡菜味甘氣寒無毒沉也降也入足陽明太陽經。

陳氏曰生東南海中似珠母一頭小中即細毛雖形狀不典然味甘美頗能益人晒乾收藏食時以滾湯泡軟去鹽用按阮氏云淡菜生海藻上故治瘰氣與海藻同功。

○淡菜補虛養腎之藥也蔡心吾曰此物本屬介類原其氣味甘美而淡性本清涼故藏器方善治腎虛有熱及熱鬱吐血痢血便血及血鬱成癭畱結筋脉諸疾惟堪和冬瓜茭白白蘿蔔同煮調油醬葱韭食之足以療已上諸疾不和藥料同用。

田螺肉味微苦。氣大寒。無毒。

陶氏曰。螺生水田中。及湖塘岸側。狀類蝸牛。而尖長。較蝸牛稍大。其色青黃。其文左旋。

○田螺肉去腹中結熱利大小腸之藥也。吳養元曰。按李

時珍云。螺蚌屬也。其殼文旋左。其肉屬隨月盈虧。月盈

則肉屬滿。月虧則肉屬陷。純乎得太陰至陰之清氣也。

故諸家本草統治一切熱疾。如目痛腫赤。大便結閉。小

便不通。禁口痢疾。黃疸濕熱。水氣浮腫。消渴熱中。丹石

毒發。痔瘡痛脹等證。或內服食。或外掩貼。一用卽平。如

病非關火閉氣結者。勿用。

○集方治時行風火暴發赤眼。痛澀難忍。用大田螺七枚

洗淨。新汲水養去泥穢。再換水養。先取一箇于淨碗內。

着艾鹽花於臍內承取自然汁點目逐個用了隨放水
中。如治爛弦風眼本方再加銅綠末數釐和鹽花內○
治老人全方大便秘結不通以田螺數枚全方水煮熟去殼以原
湯少許調和葱椒油醬食之○治小便不通全方腹脹如臍
用田螺一枚連殼搗爛和食鹽三分麝香五釐烘熟敷
臍下一寸卽通此法兼治禁口痢疾能使積毒下行卽
思食矣○治黃疸濕熱用田螺二枚水養一日去泥取
出連殼生搗入好酒一鍾布帛濾過將汁飲之三服効
○治水氣浮腫用田螺二個大蒜肉一個去衣芥辣子
二錢三味同搗勻隔帛貼臍上一寸一周時水從小便
旋旋而下○治上消渴飲不厭用田螺十個和糯米作

粥去螺。食粥盡吐涎沫乃收飲之立効。○治丹石發毒
用田螺十個和菜豆五合煮食并汁盡作五製卽解。○
治痔瘡腫痛用田螺一個搗開磨入冰片五釐取水塗
痔卽消。

治小便不通用田螺三枚搗爛入鹽三分研成末
貼在臍下一寸卽愈用蝸牛亦可。此方治熱閉之甚效。

螺螄味甘微苦氣寒有毒

三月八日螺螄處處湖河沙澤皆有惟江東無耳
螺螄頭而後尾於田螺惟食泥水。每月必食一
次。其肉食之。則明後。其肉有毒。不堪食矣。

○螺螄解酒熱消黃疸清火眼利大小腸之藥也。蘇頌

曰此物食土居水體性大寒善解一切熱。因感

因火者服之見効甚速。惟堪煮食。其殼以酒煮之

調和食之。不雜藥料。劑中。但煮而存。游如月中。有

腹中有久泄不實。并有冷瘕宿痢。或有久積。滯滯

及痔漏瘰癧。破爛諸疾。不宜食之。食之恐生癰肉。○治

諸瘡爛濕不收。用墻內白螺螄殼。火燒存性。敲碎。去殼

內泥土。研極細。摻之即收。

人部

亂髮

又名血餘味苦氣溫無毒入手足少陰經血分

李氏曰頭上曰髮屬足少陰陽明耳前曰鬚屬手足少陽屬足少陰陽明唇上曰髭屬手陽明頰下曰鬚屬足少陰太陽兩頰曰髭屬足少陽其經氣血俱盛則色潤而長氣多血少則色潤而短血多氣少則色悴而長氣血俱少則其處不生氣血俱熱則色黃而燥氣血俱衰則色白而稿又血氣清者鬚稀血氣濁者鬚渾心慈者鬚軟心堅者鬚硬貴壽者鬚素貧夭者鬚枯素問云腎之華在髮王冰註云腎主髓腦者髓之海髮者腦之華腦減則髮悴而少壽又云水出高原故腎華在髮髮者血之餘血者水之類也又葉氏云精之榮在鬚氣之榮在眉血之榮在髮類苑云髮屬心稟火氣而上生鬚屬腎稟水氣而下生眉屬肝稟木氣而橫生故男子腎氣外行而有鬚女子官人眉髮不異而無鬚者無外腎故也又有鬚髮之白有遲早之不同此不係年壽修短疾病之由而由祖傳遺體髓氣感應而已

○亂髮解癰毒補陰髓利小便之藥也茹日江曰髮乘陽

氣而生。稟陰髓而長。爲心之標。血之餘也。叢生陽首而復倒垂。則炎上之用。卽潤下之體。故血盛之人。則髮潤而黑。血少之人。則髮燥而黃。男子八歲。腎氣盛。齒更髮長。是髮因人之血氣。以爲生長榮枯也。故聖惠方治一切血病。凡上下諸竅出血。或吐血衄血。舌上出血。齒縫出血。或內崩脫血。糞前後血。小便淋血等證。有關陽躁陰離。營陰失守。而致走失者。能入心走肝。益血止血也。況心主血。髮爲血餘。實爲血之苗也。本屬神化之精。以火煅之。復化而凝成。自還血質。非神化而何。又蘇氏方用亂髮燒灰。或熬汁。治一切癰毒瘡腫。能止痛散毒。長肉生肌者。髮本心血之苗。而諸毒癰疽。實由心氣鬱閉。

不通。血脉因之而凝澀。爲腫爲癰矣。今以藉心血生長之物。而治心鬱血凝爲毒之病。以類從治。所以癰毒熾盛之際。用此立解也。

○集方治

方脈正字。

一切血病。凡耳目口鼻上部諸竅出血。如吐血

衄血。舌上出血。齒縫出血。內崩脫血。糞前後血。小便淋血等證。用亂髮八兩。滾湯洗去油垢。淨水一斗。鍋內煮

水乾。添湯以髮化爲度。入砂鍋內。微火熬成膏。人參湯

調服。十茶匙。○治吐血衄血。用亂髮一兩。湯洗淨。烘乾。

火燒灰。存性爲末。細羅篩過。如有燒不化者。不可用。取

細末用。生地四兩。生側柏葉二兩。水三大碗。煎一碗。和

髮灰一半。與服。渣再用水如法煎。再和髮灰一半。與服。

服完血立止。○治腸風瀉血。用亂髮一兩。湯洗同前。入

鍋內炒焦。再入荊芥三兩。槐花槐角各一兩。俱入鍋同

亂髮再炒。以焦黑爲度。研極細末。每早服二錢。空心溫

酒調下。○治婦人內崩脫血。用亂髮二兩。湯洗同前。入

鍋內炒焦。爲細末。配當歸身。丹參各三兩。微炒爲末。和

入髮灰煉蜜丸。梧子大。每早服三錢。白湯送下。○治小

便淋血。用亂髮六錢。湯洗同前。車前子一兩。茯苓五錢。

生地二兩。水五碗。煎一碗。食前服。二帖愈。兼治小便不

通。○治一切諸毒膏藥油內熬入亂髮數兩。未潰能消

毒止痛。已潰能長肉生肌。○治齒縫出血。亂髮炒焦。研

細末。摻之。○治黃疸尿赤。用亂髮燒灰。每服一錢。白湯

調下。○治蜈蚣螫咬用亂髮燒烟熏之。○治大風癩之
用新竹筒十箇內裝黑豆一層亂髮一層至滿以稻糠
火盆內煨之候有汁倒傾滴出以盞承接以鵝羽掃瘡
上數日即愈亦治諸瘡

○頭垢味苦鹹氣溫有微毒

諸上者名百歲霜

頭垢主小便淋閉不通及婦人吹乳腫痛之藥也陸平

簡便方

林曰頭垢頭上垢膩也其性滑潤而下走故陶氏別錄
方治淋閉不通小便澀瀝而楊起簡便方治婦人吹乳
腫痛並用白湯調服數分咸取其滑潤而下泄滑潤而
腫消之意

指甲味甘鹹有微毒。

李氏曰爪甲者筋之餘肝膽之外候也靈樞經云肝膽應爪爪厚色黃者膽厚爪薄色紅者膽薄爪堅色青者膽急爪黃色淡紫者膽緩爪直爪白者膽直爪惡色黑者膽結

○指甲催生去目翳之藥也顧朽匏曰指甲爲肝之標筋之餘也名爲筋退謂其積日漸長而能自脫也李氏方用其催生去目翳取其脫以治不脫之意與蛇蛻蠶脫義同而陳藏器又謂用懷妊婦人爪甲更佳者何也蓋婦人氣血充實乃能受孕取其有生長力緊之意又兼有待日而脫之情。

○集方治難產聖方不下并胞衣不落取受孕本婦逐月剪取手足指甲臨產將近炒焦研細末臨產坐草時溫酒調

服。生產甚易。○治月生花翳。用衆人手指甲。炒焦。研極細末。乳汁調。以簪頭蘸少許。點入目內。

治面生疔毒腫脹。至目與鼻俱隱入肉。牙關緊急。用患者手足指甲入茶匙內。燈上炙之。研細。和入患者耳垢。齒垢和勻。如豆大。將銀簪挑開疔頭。掐入其藥。外用綿紙一層。津濕覆之。痛立止。半日腫半消。目可開。次日服仙方活命飲二劑。愈。此法兼可治紅絲疔。并一切諸疔。

皆効。
廣筆記

人胞衣

又名紫河車

味甘微鹹氣溫無毒

吳氏曰首胎者胞帶居中次胎者胞帶偏倚欲試男婦
服衣投水中頻攪俟水定其胞覆者男仰者女也董氏
曰人胞衣古方不分男女不論首生次生惟健壯無病
婦人者可用以紫色者佳用米泔或清水洗去穢惡血
外用銀簪兩面穿孔使胞中穢水盡去再用清水洗淨
或用酒煮搗膏和入藥中或用火烘乾燥存貯臨用磨
為細末配入藥也一方洗去筋膜用膠
氏言筋膜乃初結真氣不可剔去也

○方龍潭先生曰紫河車昔人未有用者始于藏器陳氏
拾遺而丹溪確言其功遂為時用吳球老人創大造丸
治一切虛損勞極謂有益氣養血補精之功故正嘉隆
萬泰天六朝時醫治諸虛不足五勞七傷情慾斷喪咳
嗽無痰或飲食少進咳嗽有痰自汗盜汗形瘦無力骨
痿少氣凡精血不足之證用此精血所化之物而補精

血所虧之地則精血完足而諸虛之證自除矣。設男子精氣虛寒子嗣難成。女人血氣有虧胎孕不育。以此修製服之則精血充足自能子矣。

繆仲醇先生曰按丹書云紫河車係天地之先陰陽之祖乾坤之橐籥鉛汞之括囊胚胎將兆我則乘而載之故謂之河車。兒孕胎中臍系于胞胞系母脊真元所鍾主吸呼胎息。轆轤任督所謂龍虎兩弦嘯吹盈望位育嬰兒之一系也。合而言之實先天之郭廓主培後天之形藏非草木金石之比蓋本其所自出以從其類也。如陰陽兩虛者服之有反本還元之功誠爲要藥也。然得男女坎離之氣而成不熱不寒不潤不燥凡陰虛陽虛

有火無火俱宜服之。或者不達此理，謬言性熱。此未之思也。

○

集方

吳東方

大造丸治虛勞骨蒸，女人無子，及多生女，月水不

調，小產難產，服之必主有子。危疾將絕者，一二服可更

活數旬。其補氣血之功力可見也。久服耳目聰明，鬚髮

烏黑，延年益壽，有奪造化之功。故名大造丸。用紫河車

一具

製法詳見前註

龜板二兩，童便浸三日，酒炙酥黃，黃柏、杜

仲、牛膝俱鹽酒拌炒，各一兩二錢。北五味子一兩，茯苓

三兩，當歸身二兩，人參一兩五錢，共八味俱微炒，研細

末。天門冬、麥門冬俱去心，懷生地各五兩，和砂仁末五

錢，同酒煮爛，搗膏，配入紫河車

或酒煮搗膏，或炙乾末，亦詳見前註

共

搗和煉蜜爲丸。梧子大。每早晚各食前服三錢。白湯下。
男子遺精夢泄。婦人赤白漏下。本方竝加牡蠣粉一兩。
五錢。○治久癩失志。氣血兩虧。精神虛散者。用紫河車
一具。治淨。酒水煮爛。和油醬五味食之。

人牙齒味甘鹹性熱有毒入手足少陰足陽明經

李氏曰兩旁有尖曰牙無尖而平曰齒腎主骨齒者骨之餘也。女子七月齒生。七歲齒漸。三七腎氣平而真牙生。七七腎氣漸衰。齒漸搖。長漸白矣。男子八月齒生。八歲齒漸。三八腎氣盛而真牙生。五八腎氣漸衰。齒漸搖。髮漸墮矣。錢乙曰小兒變蒸齒長不及三十六者由變蒸之不及其數也。修治以火燒酒淬散研細用。

○人牙齒攻毒氣發痘瘡倒靨之藥也周士和曰按李氏

本草發明云近世用人牙齒治痘瘡陷伏稱為神品夫

齒者腎之標骨之餘也凡痘瘡其毒自腎出方長之際

外為風寒穢氣所冒腠理閉塞血滯不行毒不能出或

變黑倒靨宜用此以酒漿和麝香達之竄入腎經發出

毒氣使熱令復行而瘡自紅活蓋劫劑也若伏毒在心

昏冒不省人事及氣虛色白癢塌不能起發作膿或熱

沸紫泡之證。止宜解毒補虛。苟誤用此。則鬱悶聲啞。反成不治之證。可不慎哉。

○集方治痘瘡倒靨。用人牙燒存性。入麝香一釐。酒漿調五分服。或用獾豬血調服。亦可。誤服寒涼而致黑靨者。此方亦宜。○治一切陰疽不起。發頭凹陷。沉黯不疼。無熱。內服溫補。亦不起者。用人牙二個燒過。川山甲三錢炒焦。共研極細末。分作二服。用當歸黃耆各五錢煎湯調下。或用酒調服亦可。○治臭漏惡瘡。用人牙齒燒亂髮燒雞內金燒三味各一錢五分。研極細。入輕粉五分。麝香一分。再研勻。油調敷之。

人乳味甘鹹氣寒無毒可升可降通行十二經。

李氏曰人乳乃陰血所化生于脾胃攝于衝任未受孕則下為月水既受孕則留而養胎已產則變赤為白上為乳汁此造化玄微自然之妙也入藥宜取無病婦人之乳白而稠者佳若色黃赤清而腥穢如涎者夏月久領不晚有膿氣者並不可用有孕之婦其乳謂之忌奶小兒吮之吐瀉成疳屬之病最有毒也。

○人乳主充和藏府榮華腠理灌溉百骸潤澤枯燥人身

轉運之神液益壽延年之聖藥也江春野曰此乃血氣

之精液轉赤為白亦內丹也凡治元神不足精神衰乏

咳嗽無痰日晡潮熱或陰虛火動而骨蒸盜汗或久患

勞嗽而時有紅痰或面赤口燥而煩渴引飲或肌瘦皮

黃而毛髮焦稿或筋攣骨痠而四體乏力或血竭陰消

而腸胃閉結或三消渴燥而多食易饑或目暗昏蒙而

瞳仁乾結。是皆元虛火勝之證。惟此濡潤養榮之劑。統能治之。繆氏曰。但其性涼而滋潤。血虛有熱。燥渴枯涸者。宜之。若藏氣虛寒。滑泄不禁。及胃弱不思食。脾虛不磨食者。並不宜服。

○集方治已上一切諸虛。十證統用茯苓、山藥、沙參、地骨皮、紫苑、百部、黃耆、牛膝、酸棗仁、各二兩、陳皮一兩。用好人乳五碗拌勻。晒燥微炒。研末。再配懷熟地四兩。乳汁浸和。酒煮半日。再蒸半日。搗爛爲膏。和前末藥爲丸。梧子大。每早服五錢。白湯下。惟目病昏蒙。瞳仁乾結無光。本方加蜜蒙花二兩、枸杞六兩。俱用人乳拌炒和入。○治男婦氣血衰弱。虛痰虛火上升。或兼咳嗽吐血者。凡

一切陰虛火勝之證。又治中風癱瘓。手足疼痛。或麻木不仁。不能動履等證。用人乳二杯。香甜濃白者佳。好梨汁半盞。和勻。砂銚內頓滾。以五百沸爲度。每日五更一服。能消痰補虛。生血止嗽。此以人補人之妙法也。如胃弱作瀉者。勿用。○治風火時眼赤腫疼痛。用人乳半盞。黃連五分。以飯鍋上蒸熟。頻點兩目。皆內。卽効。○陳氏養和方。治一切陰陽兩虛。形神衰頓。精血枯涸。飲食減餐。懣懣不振者。或勞損吐血。咳嗽。夜熱骨蒸。津液內乏者。用無病乳婦數十人。每日取乳數十碗。用竹篩下鋪桑柴灰一層。中鋪粗紙數十張。上鋪白絹一幅。將乳汁傾入。薄鋪烈日中晒乾。如不燥。用微火再烘。以鬆燥爲

度收貯淨磁器中。每日用好酒調一錢服。或和龜鹿膠。

酒調服更妙。侍御陳自和。

聖雲林曰。一貴家子年十八歲。患虛勞熱。喉痰喘而赤。白汗頻發。晝夜不能倒臥。痰不絕口。如此旬日。命在須臾。一大家僉。復諸醫束手。召予診視。六脉微數。乃陰虛火動之證。予令其五更時。將壯盛婦人乳汁一鍾。重湯頓溫。作三四口服之。至天明服麥門冬懷熟地知母貝母。各少頃。將白米三合。入連肉紅棗數枚。稀粥食之。半碗。又進前藥。加竹瀝童便少許。薑汁數滴。頻服之。至午。又進前藥。粥碗許。又食粉糕二塊。半碗。又照前藥。頻服。至晝。將晚。進白米粥碗許。又進前藥。一劑。夜間睡。則藥止。醒。則即服。如此三晝。夜藥不住。口火乃漸息。方臥倒。以後。日服前藥一劑。過半月。病減十之七。調理二月。而愈。此證危甚。至急。非予用此法。救之。幾乎不起。今後患此證者。當照此服。醫者當照此治。未有不愈者也。如已作泄瀉者。不在此例。

人尿味苦氣寒無毒

李氏曰人尿乃飲食所化故字從味增意也

相

○人尿解一切熱毒之藥也。釋醫臨水曰：人食五穀入胃，津液上升而為氣血，糟粕下降而成糞，醞釀變化得脾土之氣，故色黃也。味苦氣寒。故日華子主天行時疾、陽明熱狂、癰疽發背、一切無名惡毒及黃疸、身黃腹脹，或男婦一切心腹急痛、瘕疝攻痛、盤腸伏痞，一時攻發，連綿月餘不止者，並皆治之。雖係污穢不潔之物，如此急病，投用較諸藥獨靈。好仁居士當留意焉。

○集方治傷寒大熱狂渴，用人尿一塊以新汲水調澄清，灌之即解。

○治一切火毒疔毒，并時氣熱病，口鼻出血。

者用乾人屎一大塊火燒赤水調頓服。○治發背危急

并一切癰腫惡毒未潰時用乾人屎三兩醋和加麝香

五分搗勻圍毒四邊如乾燥以鵝羽蘸蜜水潤之圍三

日大減毒勢。○治黃疸身黃腹脹用乾人糞一塊火燒

赤研末大人服一錢小兒服五分白湯調服三次即退

○治男婦積年心腹急痛或疝瘕攻痛或多年盤腸伏

痛一時攻發米漿不入連綿月餘不止者用乾人屎三

兩火燒赤研細末配烏藥一二兩為細末和勻每服二

錢白湯調服。○治疔毒初起刮破以人屎乘熱敷之乾

即易不過數十遍疔根即出立瘥。○治痘瘡黑陷腹脹

危篤者此為剋劑用人糞猪糞狗糞犬糞各等分布包

臘月初旬。收埋高燥土中。至次年臘月八日取出。炒燥。傾銀大土。權盛之。鹽泥固濟。炭火煨令烟盡爲度。取出爲末。入麝香少許。研勻。瓷器密封收之。一歲服三分。二歲六分。三歲一錢。蜜湯調下。須臾瘡起。此以毒攻毒。用火煨者。從治之義也。

○糞清。味苦。氣大寒。無毒。

陶氏曰。取糞清。以臘月截竹一段。兩頭節隔。去外青皮。浸糞窖中三年。內積汁滿。埋土中一月。取出。節中開孔。澆入淨磚甕中。仍埋土中。上覆以磚。隔用時。隨取之。

糞清。化熱毒。消熱痰。解痘毒熱。悶倒懸之藥也。臨水曰。

此藥性味大寒而苦。其色黑綠。較之人糞更寒也。故韋氏集簡方。亦治天行時疾。瘟疫熱狂。煩渴唇焦。舌裂垂。

斃者。飲六二杯。無有不活者。凡一切火毒。疔毒。丹石藥毒。野草毒。菌毒。百蟲諸毒等。並皆療之。

○集方治天行時疾。陽明燥熱。煩渴。諸妄之證。并治一切火毒。疔毒。丹石藥毒。野草毒。菌毒。百蟲諸毒。用糞清一盞。真犀角磨汁一盞。合和服之。二劑即解。○治毒藥箭傷人。立斃。急飲糞清一碗。即解。

○人中黃。味苦。微甘。氣大寒。無毒。即多年廁坑中。磚石上所凝結黃泥是也。藥性治療。大畧與人尿同。解胃家熱毒有效。○治一人頭麻。至心窩而死。或自足心麻。至膝蓋而死者。用人尿燒灰。用豆腐漿調灌。即甦而愈。

童便味鹹氣寒無毒沉也降也入手足少陰太陰經

日華子曰取童便必擇無病童子先飲米湯數盞去其濁候轉清白無腥臭者取用自消亦可服

○童便既濟陰陽清和血氣之良藥也夏碧潭曰此乃津液之濁者滲入膀胱而出其鹹寒下降降火甚速降血甚神故大氏爲除勞熱骨蒸咳嗽吐血及婦人臨產血暈悶絕之聖劑如褚氏勞極論有云飲溲溺百不一死服寒涼百不一生極言功力之最優也第其性氣寒降惟不利於脾胃虛寒或大便溏泄久不實者及陽虛無火食飲減少者胃中有寒痰停飲者咸在所忌

李蘋湖先生曰按經云飲入於胃游溢精氣上輸於脾脾氣散精上歸於肺通調水道下輸膀胱故人服溲便

入胃亦隨脾之氣上歸于肺。下通水道而入膀胱。乃循其舊路也。故能治肺病。引火下行。而骨蒸勞嗽吐血上逆之所必須用也。

方龍潭先生曰。童便係真陽之精。真陰之質。血見則止。氣見則和。陰見則存。陽見則守。水見則升。火見則降也。屢治婦人血氣有虧。陰無所附。男子真陰內損。陽有所乘。所以臨產之時。惡心煩悶。血上搶心。或已產之後。頭暈眼黑。血崩不止。或呵欠。或嘔逆。或狂躁。或譫語失笑。一切臨產危證。用此。則陰與陽合。血氣和平。設有衝逆于上者。得此鹹寒之味。可以順下。或妄崩於下者。得此清陽之氣。可以旋上。故于婦人爲胎產之聖藥云。如男

子陰虛不足者。可以滋陰。陽火有餘者。可以抑陽。這見嘔吐咯唾衄血者。用此止之。咳嗽肺痿。骨蒸夜熱者。用此清之。血虛勞火者。用此養之。目赤腫痛者。用此散之。火盛水衰者。用此調之。傷寒陽極狂躁者。用此定之。陳氏方所云。童便既濟陰陽。清和血氣。良有義焉。

○集方治一切嘔吐衄血之證。用懷生地、麥門冬、沙參各三錢。茜草二錢。牡丹皮。○銀水二碗。煎七分。和新鮮童便一盞服。○治骨蒸潮熱咳嗽有痰。將成勞者。用本方加地骨皮、青蒿各二錢。○治婦人臨產血暈。悶絕垂死。或呵欠。或嘔逆。或狂躁。或譫語失笑。及一切危證。見者。用炮薑、炮黑豆、當歸身各五錢。真川芎、益母葉各一錢。

玄胡索、牛膝各二錢。水三大碗，煎七分，和新鮮童便一盞服。如血崩不止，本方加黑荆芥、人參各二錢。○治赤眼腫痛，以溲便時時取之。

○續補雜方治中腸昏倒，以熱溲便灌下。卽甦。○治頭痛

至極，以童便時時飲之。○治火燒悶絕，不省人事，用新

鮮溲便，頓灌數碗，卽甦。○治跌撲折傷疼痛，用童便和

好酒飲之，能推陳致新，其功甚大。○治人咬手指，紙中

盛熱尿，浸一夜，卽愈。○治絞腸沙痛，用童便服之，卽止。

○治三消消渴，以溲便頻頻飲之。○治傷寒少陰證，下

利不止，厥逆無脉，乾嘔而煩，欲飲水者，用溲便，猪膽汁

鹹苦寒物，於白通湯薑附藥中，其氣相從，可去格拒之

患也

倪朱謨曰昔海昌劉默齋醫張學師三陰中寒厥逆自汗煩躁脉微而用附子理中倍加人參臨服和童便一鍾與服即得安睡諸證霍然思此則龍潭方公所謂童便能使陰與陽合血氣和平可味

○人中白

又名溺白堊

味鹹氣寒無毒入足厥陰少陰太陽經

李氏曰人中白係人溺澄下白堊也以清水攪澄以烈日乾者輟

人中白療心肺虛熱止傳尸勞熱之藥也葛小溪曰此

係人溺積滓結成鹹寒潤下之物耳宋人治肺熱勞嗽

肺癰肺痿心膈虛熱羸瘦渴疾及鼻衄屢發等證昔張

杲醫說載李士常苦鼻衄垂危僅存喘息張思順用人

中白散。卽時血止。又延陵鎮官魯棠病鼻血如傾。日計盆餘。頭空空然。思順亦用人中白散治之。卽止。終身不再作。此皆鹹寒潤下散血之驗也。

○集方治諸瘕出血。

不拘此便溺諸血證。

用人中白。每早服二錢。

白湯調下。立驗。○治小兒牙疳。用人中白。枯白礬。川黃連。各等分。研細末。用髮帚蘸鹽湯攪洗牙穢淨。搽之屢効。

○尿甌碱。味鹹。氣寒。無毒。年久者。每日灌滾湯浸之。灌浸二十一次。候乾燥。打破甌。用銅刀刮取。功力與人中白同。

○秋石。味鹹。氣溫。無毒。

張氏曰秋石須秋乃取童子溺每罐入石膏細末七錢
桑條攪澄定傾去清液如此二次乃入秋雨水一桶攪
澄如此數次滓穢除淨鹹味減除以重紙鋪灰上晒乾
完全取起輕清在上者為秋石重濁在下者刮去古人
立名實本此義用溺惟取童男女之溺但以皂莢水澄晒為
取童男女溺隨便雜收衆人之溺但以皂莢水澄晒為
陰煉火熬為陽煉失其本性何合于名姓利敗人
安能應病况經火煉燥精血久服令人成渴疾

○秋石滋腎水養丹田潤心肺消痰渴之藥也門吉士曰

此係人尿人中白王公大人惡其不潔方士遂以設法
修製為秋石也治病功力與人中白同亦無大奇驗處

○紅鉛味鹹氣溫有毒門吉士曰按李氏綱目發明云女
人入月血液腥穢故君子遠之為其不潔能損清貞之
氣也如煎膏煉藥養痘燒鉛出兵演武持齋誦經修心

養性命者咸避忌之。此屬污穢能壞人神氣故也。今有妖妄邪術鼓弄愚人其法取童女初行經血巧立名色謂之先天紅鉛多方配合謂之參同氣之金華悟真篇之首經愚人信之吞嚥滓穢以爲秘方往往發出丹疹惡毒一切難以爲名之病殊可嘆惜按蕭了翁真金丹書云一等愚人性好淫強陽復去采他陰口含天癸稱仙藥恁你如沮往用心嗚呼愚人觀此可自悟矣

口津唾味甘鹹無毒

李氏曰口津唾乃人之精氣所化也。舌下有四竅兩竅通心氣兩竅通腎液心氣流注舌下為神水腎液流注舌下為靈液聚于華池泛為津液復使下嚥所以灌溉藏府潤澤肢體濡養筋脉此也。故修養家燕津納氣謂之返元人能終日不睡則精氣常開顏色不稿若久睡則損精氣成肺病而壽夭。故患天時熱疾人則心腎不交腎水不上故真氣耗而精液乾故渴也。難經云腎主五液入肝為淚入肺為涕入脾為涎入心為汗自主也。

○口津唾消瘡瘕疥癬皴炮腫毒之藥也。門吉士曰須於

五更未語時頻塗擦之極驗。每旦漱口擦齒以水洗目。

及常時以舌舐拇指甲指目久久令目光明不昏又能

退翳。又治毒蛇咬傷。急以小便洗去毒血。隨取口中津

唾頻塗之即解。又治代指腫痛以口津唾和硃砂數

分。再加小麥麩少許。搜和作梔子。盛唾令滿。再著硃末數分。以指浸之。一日卽瘡。

人氣

李氏蘋湖曰。人氣。醫家所謂元氣。真火也。天非此火。不能生長萬物。人非此火。不能存養生命。故老人及久病虛弱人。與二七以下童男。或童女。同寢。藉其薰蒸。最爲有益。此真氣不熱不寒。溫潤培養。元氣衰弱之人。宜用此法。按謝承續漢書云。太醫史循宿禁中。陡寒疝病。求火不得。令衆人以口更噓其背。至旦遂愈。又抱朴子云。人在氣中。氣在人中。天地萬物。無不須氣以生。善行氣者。內以養身。外以却邪。然行之有法。從子至巳。爲生氣之時。從午至亥。爲死氣之時。常以生氣時。鼻中引氣入。多出少。閉而數之。從九九。八八。七七。六六。五五。而止。

乃微吐之。勿令其聞。習之既熟。增至千數。此爲胎息。或
春食東方青氣。夏食南方赤氣。秋食西方白氣。冬食北
方黑氣。四季月。食中央黃氣。亦大有效。故善行氣者可
以耐饑渴。可以延年命。可以行水土。可以居水中。可以
治百病。可以驅瘟疫。以氣噓水。可使逆流。以氣噓火。可
使撲滅。噓沸湯。則手可探物。噓金瘡。則血卽自止。噓兵
刃。則刺不能入。噓箭矢。則矢反逆回。噓犬。則不吠。噓虎
狼。則退伏。噓蛇蜂。則不能傷我。昔張三丰善得行氣之
法。遇有火疫。可與同牀。不相傳染。遇有精魅。或聞聲。或
現形。或擲石。放火。以氣禁之。皆自絕滅。若人在百里之
外。有難以我手噓氣。男左女右。亦卽可安。夫氣出于無

形用之其効至此而口絕穀延年乎。按此卽吾心養法。然之靈氣也。符篆家取祖氣卽此。但彼徒係氣餒庸人。依法行此。安能得其驗哉。

按養真方治下元虛冷。日令童男女以時隔衣噓氣臍中甚良。如身體骨節痠痛。令人更互呵痛處。久久經絡通透。又治鼻衄不止。令病人仰臥于肩中間。噓氣數十口卽止。

初生臍帶味甘鹹氣溫無毒

李氏曰胎在母腹臍連于胞臍帶既分一點真元歸之命門丹田臍乾自落如瓜脫蒂故臍者人之命帶也其當心腎之中前直神闕後直命門故謂之臍

○初生臍帶補腎命解胎毒化痘毒之藥也周士和曰臍者命帶也當心腎之中爲真元歸縮之處胎在母腹臍連于胞喘息及呼吸滋養之妙由此而通胎出母腹臍帶剪斷則一點真元之氣從此而歸入命門丹田故臍爲命帶而臍帶亦真氣之所結也韓氏保嬰方以此治痘瘡灰白寒陷不起發者用臍帶炙燥爲末乳汁調服能使痘毒外發漿水充足虛寒之甚藉此真陽之氣以培不足也如前古以此治三陰久瘡取臍帶九枚燒存性

於白朮二兩。人參五錢。焙乾。俱爲末。入童便煮附子一兩。搗膏和丸。梧子大。每早服三錢。酒送下。亦取其補益真元。消靡陰瘴耳。

人血味鹹有毒

李黃湖曰血猶水也。水按入于中焦。泌別煎蒸。化其精。微上注於肺。流溢于中。布散于外。中焦受汁。變化而赤。行于陰道。以奉生身。是謂之血。命曰營氣。血之與氣。異名同類。清者為營。濁者為衛。營行于陰。衛行于陽。氣主黑。故曰氣者血之帥。氣升則血氣降則降。氣熱則行。氣寒則凝。邪犯陽經。則上逆。邪犯陰經。則下流。蓋人身之血。生長于脾。統攝于心。藏受于肝。宣布于肺。而施化出于腎也。修養家煉之。化為白。江陰盡陽純也。其弘死。一腔熱血。化為碧雲。積精靈之所致也。凡人血入土。年久化為燐燈。陰魄之所化也。

○集方治吐血不止。隨用吐血塊炒黑為末。每服三分。以麥門冬湯調服。蓋血不歸元。則積而上逆。以血導血。歸元則止矣。治衄血不止。亦同法。○治產後血暈。隨取本婦血一塊炒焦。醋湯調服。

人骨

許氏曰。腎主骨。骨者。肉之核也。靈樞經有骨度篇。論骨之大小長短廣狹甚詳。

○人骨接骨折。療撲打跌傷之藥也。計日聞曰。按醫林集要云。治杖打傷損。用火燒過人骨五錢。爲末。乳香三錢。瓦上焙出汗。共研勻。酒調服三錢。受杖者服此。不痛不腫。如撲打跌傷之人服此。先以杉木片以軟絹札定傷處。立効。

簡遺雜方六首

○治墜損跌撲疼痛能散血止痛重陽日收老茄子百枚去蒂四破切之用消石十二兩擣細以不津器先鋪茄子一重乃下消石一重如此間鋪令盡以綿紙十層密封安置淨處正月後取出去紙三層日中曝之逐日如此至二三月茄已爛開瓶傾出濾去渣取汁別入新磁器中以薄綿紙三層蓋口又曝至成膏乃可用每以酒調一匙空腹飲之日再服數次後惡血散則痛止而愈矣若膏久乾硬卽以飯湯化軟用之

○治走馬牙疳出血作臭用銅綠五分麝香二分研極細用屋角大蜘蛛一枚再同研用少許搽之

○治吹奶疼痛。用小麥麩。水和作皮。取屋角上大蜘蛛。一

○救燒存性。爲末。酒服卽止。

○治腹脹。方用石滑蒲。對勸爲末。每服二錢。白湯下。

○治顏下結核。用好酒半盞。浸大蜘蛛一箇。浸半日。研爛。

澄去渣。取清酒服。服十數箇。卽効。凡一切腫毒初起。服

之卽消。

○治痘瘡倒靨色黑。唇口冰冷。諸藥不効。用酒漿一鍾。取

狗蠅七枚。搗細。調酒漿服。

○治娠婦惡阻不進食。用大麥米煮粥食。卽進食也。

○治小兒急慢驚風。用茨菇根搗汁一盞。加白蜜半盞。調

勻。以茶匙挑入口內。立刻行痰。驚病立定。